

MIGUEL IGLESIAS MARTÍNEZ, secretario xeral da Deputación Provincial da Coruña.

CERTIFICA: Que o PLENO DA CORPORACIÓN da Deputación Provincial de A Coruña, na sesión ordinaria celebrada o 26 de xuño de 2026, adoptou o seguinte acordo:

32. Aprobación da formalización dun convenio administrativo de colaboración entre a Deputación Provincial da Coruña e a Asociación de empresarios, comerciantes e traballadores autónomos da Pobra do Caramiñal, para financiar o proxecto de "Recuperación e Equipamento do Local da Asociación de Empresarios, Comerciantes e Autónomos da Pobra do Caramiñal".

1. Levantar o reparo emitido pola Intervención da Deputación da Coruña no seu informe con data 05 de xuño de 2026 conforme o artigo 217 do texto refundido da Lei Reguladora das Facendas Locais aprobado polo Real Decreto 2/2004, de 5 de marzo.
2. Exceptuar para o presente convenio os principios de concorrencia, publicidade, igualdade e non discriminación na tramitación do presente expediente, dada a existencia de causas excepcionais que xustifican a concesión dunha subvención nominativa, por existir razóns suficientes de interese público, social, económico ou humanitario. Estes principios atópanse recollido nos artigos 22.2 da Lei xeral de subvencións e 65 a 67 do seu regulamento.
3. Aprobar a concesión da subvención nominativa por importe de 24.000,00€ á Asociación de Empresarios, Comerciantes e Traballores Autónomos da Pobra do Caramiñal, NIF G15158199 para financiar o proxecto "RECUPERACIÓN E EQUIPAMENTO DO LOCAL DA ASOCIACIÓN DE EMPRESARIOS, COMERCIANTES E AUTÓNOMOS DA POBRA DO CARAMIÑAL", no marco do PLAN DE EMPREGO LOCAL, PEL, anualidade 2026.
4. Imputar o gasto con cargo á aplicación orzamentaria 0520/24100/781 do vixente orzamento xeral.
5. Aprobar o texto do convenio que se recolle a continuación.
6. Publicar a concesión da subvención directa na BDNS e notificar ao interesado.

/2026

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E A ASOCIACION DE EMPRESARIOS, COMERCIANTES E TRABALLADORES AUTONOMOS POBRA DO CARAMIÑAL PARA FINANCIAR A “RECUPERACIÓN E EQUIPAMENTO DO LOCAL DA ASOCIACIÓN DE EMPRESARIOS, COMERCIANTES Y TRABAJADORES AUTÓNOMOS DA POBRA DO CARAMIÑAL”, NO MARCO DO PLAN DE EMPREGO LOCAL (PEL), ANUALIDADE 2026

Na Coruña, a de de na sede da Deputación Provincial da Coruña

Ante min, Miguel Iglesias Martínez, Secretario Xeral da Deputación Provincial da Coruña, como fedatario actuante

REUNIDOS

D., en representación da Deputación Provincial da Coruña

D., en representación da Asociación de empresarios, comerciantes e traballadores autónomos da Pobra do Caramiñal

Actuando no exercicio dos seus respectivos cargos e na representación que ostentan, e recoñecéndose reciprocamente capacidade para obrigarse nos termos deste documento

MANIFESTAN

Que a Excma. Deputación Provincial da Coruña e a Asociación de empresarios, comerciantes e traballadores autónomos da Pobra do Caramiñal consideran de grande interese para a provincia dinamizar o sector empresarial e económico e apoiar aos comerciantes e autónomos, con actividades múltiples de asesoramento, formación e apoio nos diferentes ámbitos aos que están vinculados.

Que ambas as dúas entidades apostan polo desenvolvemento económico e a cohesión empresarial local, impulsando un desenvolvemento territorial sostible e responsable.

Que dado o interese coincidente da Deputación da Coruña e da Asociación de empresarios, comerciantes e traballadores autónomos da Pobra do Caramiñal, no marco dos seus fins e

RPT-6654259

competencias, ambas as dúas partes

ACORDAN

Formalizar o presente CONVENIO DE COLABORACIÓN conforme ás seguintes cláusulas:

CLÁUSULAS

I.- OBXECTO

O presente convenio ten por obxecto establecer as bases de colaboración entre a Deputación da Coruña e Asociación de empresarios, comerciantes e traballadores autónomos da Pobra do Caramiñal, CIF G15158199, para o financiamento do proxecto de “Recuperación e Equipamento do Local da Asociación de Empresarios, Comerciantes e Autónomos da Pobra do Caramiñal”.

O proxecto consiste na recuperación e adquisición de equipamento do local da Asociación de empresarios, comerciantes e traballadores autónomos da Pobra do Caramiñal, co fin de dispoñer dun espazo funcional, que permita o desenvolvemento das actividades da entidade.

II.- ORZAMENTO

Segundo a memoria achegada pola Asociación de empresarios, comerciantes e traballadores autónomos da Pobra do Caramiñal, o orzamento máximo ascende a 30.000,00€ conforme ao seguinte detalle:

Partida	Concepto	Cantidade	Custe unitario estimado	Total	Xustificación
Equipamento informático	Ordenadores de sobremesa completos (monitor, teclado, software básico)	3	900,00€	2.700,00€	Modernización xestión, cursos e dixitalización asociados
Equipamento audiovisual	Proxector Full HD+ pantalla retráctil	1	1.200,00€	1.200,00€	Formación e relatorios colectivos
Mobiliario sala cursos	Substitución butacas ancladas por sillas móbiles con pala	40	75,00€	3.000,00€	Flexibilidade e accesibilidade en actividades formativas
Obra civil sala grande	Retirada de butacas, adecuación do espazo, pintura, instalación eléctrica adaptada	Lote	-	15.000,00€	Adecuar espazos a usos múltiples, mellorar condicións
Mobiliario oficina	Postos de traballo mesas, archivadores, etc	3	-	2.500,00€	Xestión documental segura

Reprografía	Fotocopiadora multifunción rede	1	2.000,00€	2.000,00€	Ferramenta para documentación e servizos asociados
Pintura e melloras xerais	Pintado completo zonas comúns e sala grande	-	m/2	3.600,00€	Imaxe coidada e funcionalidade
TOTAL	30.000,00€				

III.- FINANCIAMENTO PROVINCIAL E OUTROS INGRESOS QUE SE OBTENAN OU ACHEGUEN PARA A MESMA FINALIDADE

1. A Deputación da Coruña financiará o orzamento para a recuperación do local e a adquisición do equipamento, tal e como se define na cláusula anterior, cunha achega máxima de **24.000,00 euros**, o que representa unha porcentaxe do 80,00%.

2. No caso de que o gasto xustificado non acadase o importe total previsto na cláusula segunda, a Deputación só achegará o importe que represente o 80,00%, da cantidade efectivamente xustificada. Agora ben, se a cantidade xustificada resulta inferior ao 75 por cento do orzamento previsto na cláusula segunda, entenderase que a finalidade básica da subvención non foi cumprida e perderase o dereito ao cobro da mesma.

3. A Deputación provincial financiará exclusivamente os gastos derivados da recuperación do local e a subministración e instalación dos bens mobles.

4. O importe do financiamento provincial farase efectivo con cargo á aplicación orzamentaria 0520/24100/781, na que a Intervención provincial ten certificado que existe crédito dabondo sobre a que se ten contabilizado a correspondente retención de crédito.

5. A subvención da Deputación é compatible coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que o seu importe, xuntamente co da subvención provincial, non supere en ningún caso o importe total do gasto efectivamente xustificado.

6. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- CONTRATACIÓN E EXECUCIÓN

1. Na condición de adquirente, corresponderalle á Asociación de empresarios, comerciantes e traballadores autónomos da Pobra do Caramiñal o outorgamento do contrato de subministracións e das accións de recuperación do local descrita no proxecto ao que fai referencia a cláusula primeira.

2. No procedemento de contratación, a Asociación de empresarios, comerciantes e traballadores autónomos da Pobra do Caramiñal axustará toda a súa actuación ao disposto na lexislación de contratos do sector público.

3. Se o importe dalgunha das subministracións ou obras supera os 15.000,00€, con carácter previo á

contratación, a Asociación de empresarios, comerciantes e autónomos da Pobra do Caramiñal deberá solicitar alomenos tres orzamentos a distintos provedores. Entre as ofertas recibidas, deberase elixir unha delas de acordo con criterios de eficiencia e economía, debendo xustificarse expresamente nunha memoria a elección cando non recaia sobre a oferta máis vantaxosa economicamente”.

V.- DIFUSIÓN DO FINANCIAMENTO PROVINCIAL

1. No contrato e nos anuncios de licitación para a recuperación do local e a adquisición do equipamento, farase constar o importe do financiamento provincial.

2. Adquirido o ben ou equipamento e realizadas as obras, a Asociación de empresarios, comerciantes e autónomos da Pobra do Caramiñal, deberá colocar un cartel no taboleiro de anuncios do local da asociación ou en calquera outro lugar visible no que figure o anagrama provincial e no que se deixe constancia da data de adquisición e do financiamento provincial. O texto estará redactado en galego.

VI.- XUSTIFICACIÓN NECESARIA PARA RECIBIR A ACHEGA PROVINCIAL

1. Coa posibilidade prevista no artigo 31 da Ordenanza Xeral de Subvencións e Transferencias da Deputación, ata o 50 por cento da achega da Deputación ten carácter prepagable, de xeito que se procederá a expedir un primeiro pagamento a prol da Asociación de empresarios, comerciantes e autónomos da Pobra do Caramiñal pola contía resultante de aplicar a dita porcentaxe sobre o importe de adxudicación do contrato de subministracións, unha vez que presente ou conste na Deputación provincial a seguinte documentación:

- Certificación do acordo de adxudicación definitiva do contrato subministracións, na que se fagan constar alomenos os seguintes datos: persoa adxudicataria, importe do contrato e prazo de execución.
- Acreditación do cumprimento das obrigas tributarias e coa Seguridade social, segundo o disposto na cláusula OITAVA.
- Declaración doutras axudas ou subvencións solicitadas ou concedidas para a mesma finalidade.

A Asociación estará obrigada a colocar un cartel que sexa visible no que, sen prexuízo doutras indicacións, figure o disposto na cláusula V.-2 de publicidade.

2. Formalizado en documento público o contrato, procederase ao abono do 50 por cento restante, unha vez que se presente ou conste na Deputación provincial a seguinte documentación (en orixinal ou compulsada):

- Certificación acreditativa do pago do ben.
- Certificación do acordo da incorporación do ben ao inventario de bens da Asociación, facendo constar nos correspondentes asentos que o ben queda afectado á finalidade pública para a que foi concedida a subvención alomenos durante un prazo de CINCO anos **no caso dos bens subministrados, e de DEZ anos en relación co local e aula obxecto das obras.**

VII.- TERMO PARA O REMATE DAS OBRAS, ADQUISICIÓN DO EQUIPAMENTO E PRAZO DE XUSTIFICACIÓN

1. As obras e a adquisición dos bens que son obxecto de financiamento provincial, tal e como se describe na cláusula PRIMEIRA, realizaranse entre o **1 de xullo de 2026 e o 1 de xullo de 2027**, e en todo caso, antes do vencemento do período de vixencia do convenio establecido na cláusula DECIMOTERCEIRA.

2 Unha vez realizada a adquisición, a Asociación de empresarios, comerciantes e traballadores autónomos da Pobra do Caramiñal deberá presentar a xustificación documental á que se refire a cláusula SEXTA antes do vencemento do período de vixencia do convenio establecido na cláusula DECIMOTERCEIRA.

3. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este derradeiro prazo sen que se teña recibido xustificación ningunha, a unidade xestora remitiralle un requirimento á Asociación de empresarios, comerciantes e traballadores autónomos da Pobra do Caramiñal para que a presente no prazo improrrogable de QUINCE DÍAS. A falla de xustificación da subvención neste prazo excepcional dará lugar á perda da subvención e demais responsabilidades previstas neste convenio e na lexislación aplicable ao respecto. Aínda así, a presentación da xustificación neste prazo adicional non eximirá á entidade da sanción que, de conformidade co disposto na Lei de subvencións e na Lei de subvencións e na ordenanza provincial de desenvolvemento que resulte aplicable, lle poida corresponder.

4. O aboamento da subvención materializarase mediante ingreso na conta da entidade financeira indicada pola Asociación de empresarios, comerciantes e traballadores autónomos da Pobra do Caramiñal na documentación achegada.

VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL

1. A Asociación de empresarios, comerciantes e traballadores autónomos da Pobra do Caramiñal deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da Coruña, e coa Seguridade Social.

2. A acreditación do cumprimento das ditas obrigas poderá realizarse mediante a presentación dos correspondentes certificados ou ben autorizando á Deputación a que obteña telemáticamente os correspondentes certificados. A acreditación do cumprimento das obrigas tributarias coa Deputación Provincial determinarase de oficio por ésta.

IX.- DESTINO E MANEXO DOS FONDOS RECIBIDOS

1. A Asociación de empresarios, comerciantes e traballadores autónomos da Pobra do Caramiñal destinará os fondos recibidos ao pagamento dos xustificantes de gasto presentados.

2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor. Só excepcionalmente se poderá realizar o pago en metálico para gastos de ata 150,00€, nos que non resulte posible a utilización dun dos medios anteriormente indicados.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a Asociación de empresarios, comerciantes e traballadores autónomos da Pobra do Caramiñal poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de colaboración.

2. Asemade, de acordo co previsto na lei 6/1985, de 24 de xuño, do Consello de Contas de Galicia, a Asociación de empresarios, comerciantes e traballadores autónomos da Pobra do Caramiñal queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de enxuiamento contable que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓNS E SANCIÓNS.

1. O incumprimento dalgunha das cláusulas previstas no presente convenio de colaboración poderá dar lugar a obriga de reintegro parcial ou total dos fondos recibidos, así como ao pago dos xuros de demora que se devenguen desde o día no que se realizou o pago ata o momento no que se acorde a procedencia do reintegro. O procedemento de reintegro iniciárase de oficio na súa tramitación seguindo o disposto nos artigos 41 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, o dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3. Para os supostos de retraso na realización das actividades ou retraso na presentación da xustificación se estará ao disposto na ordenanza provincial de desenvolvemento que resulte aplicable.

XII.- INCORPORACIÓN AO REXISTRO PÚBLICO DE SUBVENCÍONS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da Asociación de empresarios, comerciantes e traballadores autónomos da Pobra do Caramiñal serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto e co debido respecto á protección dos datos de carácter persoal, segundo o previsto na Lei orgánica 3/2018, de 5 de decembro, de Protección de Datos Persoais e garantía dos dereitos dixitais.

2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía e Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención á Asociación de empresarios, comerciantes e traballadores autónomos da Pobra do Caramiñal será publicada no Boletín Oficial da Provincia da Coruña e na páxina web www.dacoruna.gal

4. Un exemplar deste convenio, debidamente asinado, será incorporado ao Rexistro de convenios que depende do Servizo de Contratación da Deputación.

XIII.- VIXENCIA DO CONVENIO, PRÓRROGA OU MODIFICACIÓN

1. O presente convenio de colaboración producirá efectos desde a súa sinatura e conservará a súa

vixencia ata o **31 de decembro de 2027**.

2. Previa solicitude da Asociación de empresarios, comerciantes e traballadores autónomos da Pobra do Caramiñal, realizada alomenos dous meses antes da data indicada anteriormente, o convenio poderá ser prorrogado por acordo expreso de ambas as dúas partes tomado antes de que expire a súa vixencia inicial e previos os informes preceptivos da Unidade xestora, do Servizo de Patrimonio e Contratación, da Secretaría e da Intervención da Deputación.

3. Tamén por acordo expreso de ambas as dúas partes e por causa debidamente xustificada, e previos os mesmos informes indicados no apartado anterior, o convenio poderá ser obxecto de modificación.

XIV.- NATUREZA, INTERPRETACIÓN, MODIFICACIÓN E XURISDICCIÓN COMPETENTE

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións de Galicia. Supletoriamente aplicarase a lexislación de contratos do sector público.

2. Para o seguimento coordinado da execución do presente convenio crearase unha comisión de seguimento formada por dous representantes de cada unha das partes nomeados polo presidente da Deputación e o da Asociación de empresarios, comerciantes e traballadores autónomos da Pobra do Caramiñal, respectivamente.

3. Corresponderalle aos órganos da xurisdición contencioso-administrativa, segundo a distribución de competencias disposta na Lei 29/1998, do 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

Faise constar que o presente convenio foi aprobado por _____ do día ____ de ____ de ____

E, en proba de conformidade, as partes comparecentes asinan en exemplar cuaduplicado o presente convenio, no lugar e data indicados no encabezamento.

Pola Deputación da Coruña

Pola Asociación de empresarios,
comerciantes e traballadores autónomos da
Pobra do Caramiñal

Asdo:

Asdo:

O Secretario Xeral da Deputación Provincial A Coruña

Asdo.

A Coruña, na data da sinatura dixital

O xefe do xervizo

Manuel Vázquez Sesmonde

(asinado dixitalmente)

A deputada de Industria, Emprego, Política Demográfica e Medio Ambiente

Rosa Ana García López
(asinado dixitalmente)

E para que conste e sen prexuízo dos termos da aprobación da acta, segundo o disposto no artigo 206 do Regulamento de organización, funcionamento e réxime xurídico das Corporacións locais, expido a presente de orde e co visto e praxe do Sr. Presidente na Coruña.

O secretario xeral: Miguel Iglesias Martínez (asinado dixitalmente)

O presidente: Valentín González Formoso (asinado dixitalmente)